

– Resurssavátnivuohta áitá sámi skuvlla

Dál lea áigi ahte sihke ráđđehus ja Sámediggi váldet duođas sámi skuvlla, dán gáibida Skuvllaid riikkalihttu ja NetSam. LO-lihttu ja riikaviidosas sámi pedagogaid fierbmadat leat dál headásnuvvan ja cuiggodit ahte lea stuora váilevašvuohta go váilot oahpponeavvut ja oahpaheaddjit sámi skuvllain.

Sámi skuvllain lea hui stuora dárbu ođđa ja ođastuvvon oahpponeavvuide, čilge Inger Anne Gaup, jođiheaddji NetSam Alta.

– Dát ášši berrešii hoahppoáššin ovddasvásttiedadji eiseválddiin. Oahpponeavvo váilevašvuohta lea hui guovddaš fáddá sámi skuvllain, dán leat mii ovddidan ságastallamin Sámedikkiin juo 2013 rajes. Unnán dáhpáhuvá, maŋŋil fágaođasteami ásaheami 2020is go ođđa oahppoplánat válđojuvvoje atnui, de eai lean liikká ođastuvvon oahpponeavvut, dadja Gaup ja joatkká:

-Nugo dál lea dilli, de fertejit oahpaheaddjit ieža ráhkadit oahppomateriálaid dađistaga go oahpahit. Muhtin fágain fertejit oahpaheaddji atnit oahpponeavvuid mat leat 1990-logu rajes. Ná ii galgga leat. Dát čuočcá sihke sámi skuvllaide rekutteremii, ja maiddá ohppiid oahppodillái, dadja Gaup ja čujuha dasa ahte Sámedikkis lea ovddasvástádus ráhkadit sámi oahpponeavvuid sihke davvi-, lulli- ja julevsámegillii.

Dála oahpponeavvo ovdánahttin ortnet ii doaimma nu go galgá, dadja son.

– Sámi oahpaheaddjit ja sin oahppit dárbašit stuorit ja oktasaš loktema. Bargit sámi skuvllain eai sáhte šat bargat dákkár dilis. Sii dárbašit oahpponeavvuid gos fágaidrasttildeapmi ja čiekŋalisoahppan hábme vuodu oahppoprosessii. Dá lea juoga maid Sámediggi ferte miedihit, dadja Inger Anne Gaup.

NetSam Doarju Skuvllaid riikkalihttu geat gáibidit ahte sámi oahpponeavvut galget nannejuvvot lágalaččat.

Berit Ellen Skum, kulturskuvllajođiheaddji Guovdageainnu skuohkanis ja váldoluohttámušolmmoš Skuvllaid riikkalihttu ovddas suohkanis, gáibida ahte ráđđehus- ja Sámediggi- váldet ovddasvástádusa ja juolludit doarjaga vai sámi oahppit ožžot daid oahpponeavvuid ja oahpahusa masa dain lea riekti.

– Dál ferte ráđđehus Støre váldit sámi oahpahusa duođalaččat! Leat leamaš juo olu váruhusat, manggaid jagiid badjel. Maiddá Riikarevišuvdna lea cuiggodan ahte sámi oahpahuš ii leat doarvai buorre. Duohtavuohta lea ahte sámi oahpahuš mollejuvvo, go ii oktage áiggo váldit ollislaš ovddasvástádusa, dadja Skum gii maiddá lea láhttun Skuvllaid riikkalihttu sámedipolitiikalaš lávdegottis.

– Skuvllaid riikkalihtus lea dát ášši hui guovddázis, go dát duođai čuočca sin mielláhtuide sámi skuvllain, deattuha Skum.

NetSam ja Skuvllaid riikkalihttu gáibiida ahte Sámediggi, áinnas ovttas ráđđehusain, hábmejtit skuvlapolitiikka mii addá sámi ohppiide buori ja dohkalaš oahpahusa.

– Lea stuora váilevašvuohta sámi oahpaheddjiide. Jus mii galgat nagodit doalahit dálá oahpaheddjiid skuvllain ja maiddá nagodit oččodit ođđa oahpaheddjiid, de lea dehálaš ahte sámi skuvllain leat lihka buorit bargoneavvut ja veahkkeneavvut go dáža skuvllain.

Berit Ellen Skum muitala ahte leat olu sámi oahppit geat ožžot gáiddusoahpahusa, muhto lea cuiggodanveara ahte lea heajos heiveheapmi skuvllain gos oahppit leat. Dán lea maiddá Riikarevišuvdna cuiggodan.

– Dát dagaha ahte gáiddusoahpahuš ii šatta dássálaga klássalanja oahpahušain. Dát čuohta erenoamážiid nuoramus ohppiide, ja lea hui vahat, dadja Skum.

Oktavuohta: Inger Anne Gaup, jođiheaddji NetSam Alta: 950 727 32

Oktavuohta: Berit Ellen Skum, kulturskuvllajođiheaddji ja skuvllaid riikkalihttu
várdoluhttámušolmmoš Guovdageainnu suohkanis: 456 66 813